



UNIVERSITÄTS-
BIBLIOTHEK
PADERBORN

**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

XXVII La vie de saint Narcise.

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

Il estoit tres-liberal aux pauvres, & prompt à pour-
 uoir aux necessitez d'autrui. Il fut Euesque vingt
 ans sous les Rois d'Espagne, Sisenand, Chintile,
 Tulge, & Cindafuinde. Au bout de ce temps,
 tout comblé d'ans & de merites, apres auoir re-
 ceu tous ses Sacremens il rendit l'ame à Dieu,
 laissant la ville & son Euesché bien triste d'auoir
 perdu vn si excellent maistre, pere & pasteur. Il
 deceda vn Dimanche au matin dix-huictiesme de
 Mars, enuiron l'an 646. auquel iour on celebre
 sa Feste par tout l'Archeuesché de Saragoce, &
 en l'Eglise de nostre Dame du Pillier. L'Arche-
 uesque de Tarragone, & quelques autres Eues-
 ques qu'il vindrent visiter & assister à l'heure de
 son trespas, ouyrēt chanter les Anges, & vne voix
 qui dit: Leue toy, & t'en viens, mon amy. A la-
 quelle le Saint (comme celuy, qui est resueillé
 d'vn profond sommeil) respondit: Ie m'en vais
 tout à ceste heure, mon Seigneur. Son corps
 saint fut porté en terre par les Euesques assiste-
 z de tout le Clergé & du peuple, & mis sous l'Au-
 tel de saint Jacques, qu'il auoit fait eriger: de là
 il fut transporté en vn autre endroit de la mesme
 Eglise, & par l'inuasion des Mores durant la per-
 te d'Espagne, il fut caché plus de six cens ans, sans
 qu'on sceult où il estoit: iusqu'à ce que l'an 1270.
 comme dict le Cardinal Baronius, & 152. ans
 apres que les Chrestiens eurent chassé les Mores
 de Saragoce, le bien-heureux saint Valere s'ap-
 parut à vn Euesque de Saragoce, nommé Pier-
 re, & luy reuela où estoit le corps saint, lequel
 fut trouué ainsi & enterré iectant vne tres-suaue
 odeur. On le tira de là, & fut porté deuant le
 grand Autel de ladite Eglise, où il est encore au-
 iourd'huy dans vn magnifique tombeau, respec-
 tē de ceste grande ville, comme leur singulier
 patron: & nostre Seigneur fit plusieurs miracles
 en la translation, & de laquelle l'Eglise de Sara-
 goce fait memoire le dix-neufiesme de Iuil-
 let.

Saint Braule escriuit, comme dit saint Ilde-
 fons, quelques ceures, & entr'autres la vie de
 saint Milan Moyne, qu'on trouue à present es-
 crite à la main, par laquelle il declara la saincteté
 de Milan, & illustra sa memoire. Le Martyrolo-
 ge Romain fait mention de saint Braule le 26.
 Mars, & saint Ildefonse au liure des hommes il-
 lustres, & l'Archeuesque de Toledo Rodrigue, &
 le Cardinal Baronius es Annotations sur le Mar-
 tyrologe, & au 8. Tome de ses Annales, & en d'au-
 tres Autheurs, qui escriuent des vies des Saints,
 ou l'histoire d'Espagne.

*A Rome deceda Saint Castule martyr, lequel ayant charge
 des cabinets du Palais Imperial, & receuant en son logis les
 Chrestiens, fut prins par les persecuteurs, trois fois pendu en l'air,
 trois fois examiné par le Iuge, & perseverant tousiours en la Foy
 de nostre Sauueur, fut iecté dans une fosse, puis on lascha sur luy
 vne grande masse de sable, de laquelle il fut accablé & martyrisé.
 Au mesme lieu furent couronnéz du martyre S. Pierre, Marcia,
 Iovin, Theodecastian & autres. A Pentapolis ville de Libye mou-
 rurent S. Theodore Euesque, Irenée Diacre, Serapia & Ammoine
 lesteurs. A Sirmio les SS. Monta & Maxima, qui furent iectez
 dans la ruiniere pour la confession de la Foy. Item les saints martyrs
 Quarre, Theodose, Emamiel, & autres quarante. En Ale-*

*xandrie trespasèrent les Saints martyrs Eutychie, & autres
 lesquels sous l'Empereur Constance & le gouverneur Sebastien, &
 George Euesque Arrien, furent massacrez pour la Foy de Je-
 sus-Christ. A mesme iour mourut saint Estienne Confesseur,
 lequel pour auoir defendu les saintes images, fut battu de verges
 sous l'Empereur Leon, surnommé l'Armenien, & enuoyé en exil,
 où il mourut. Item saint Leger Euesque de Munster, qui
 prescha l'Euangile à ceux de Saxe.*

LA VIE DE SAINT NARCISE,
 Euesque de Gironne & Martyr.



SAINCT Narcise nasquit à Gironne
 d'vne des noble familles de la vil-
 le, du temps que l'Empereur Aure-
 lian persecutoit les Chrestiens: il
 s'enfuit de la ville avec vn^d de ses
 Diacres, nommé Felix, & s'en alla
 en la garde de Dieu vers l'Allemagne, en intentiō
 d'annoncer l'Euangile à ces peuples, & les con-
 uertir à la Foy Catholique. Il passa par Aushourg,
 & s'y voulant loger, il fut conduit en la maison
 d'Afra, femme de qualité, mais dissoluē. Car
 Afra estoit fille de Hilarie, qui auoit esté Roine
 de Cypre, ou au moins, la plus riche & puissante
 Dame de l'Isle, laquelle ayant perdu en vn iour
 de bataille son mary, son estat & ses biens, s'estoit
 retirée avec sa fille Afra, & son frere Denis, & le
 reste de leur famille, par inspiration diuine en la
 ville d'Aushourg. Et tout ainsi que Venus auoit
 esté vne femme publique en l'Isle de Cypre, où
 elle estoit adorée comme vne Deesse par dessus
 les autres Dieux, & le peuple abusé par les Pre-
 stres de Venus, estimoit, que tant plus il s'adon-
 noit à la lasciuētē, c'estoit faire des sacrifices ag-
 greables à Venus, (les Gentiils adoroient de sem-
 blables monstres) & Hilaire voulant consacrer sa
 fille à la Deesse Venus, afin qu'elle luy fut plus
 fauorable, luy permit de viure en courtesane des-
 bauchée, & d'auoir plusieurs amis. Afra menoit
 ceste vie, quand Narcise entra en sa maison, en-
 core que le Saint en fust ignorant. Dieu l'y con-
 duit pour le salut de tous ceux du logis, entr'au-
 tres d'Afra, qu'il retira de l'abyssine des turpitu-
 des & saletez, laquelle estant enuēlée des te-
 nebres de l'idolatrie, & de l'ombre de la mort
 n'apperceuoit pas sa misere. De fait comme Nar-
 cise entra dans le logis, Afra pensoit que c'estoit
 vn des rustiens, qui auoit accoustumé de la venir
 courtesier: toutesfois, elle sceut depuis que c'estoit
 vn Euesque des Chrestiens, & par la priere que
 fit le saint toute la nuit, & vne souveraine lu-
 miere qu'elle veid, elle fut tellement changée,
 que sa mere, elle, & Digne, Eunomie, & Eutro-
 pie ses trois seruantes, se conuertirent à No-
 stre Seigneur, & apres auoir ieuné sept
 iours, elles furent baptisées, & plusieurs, sui-
 uant leur exemple, se firent Chrestiens, &
 furent Martyrs de Iesus-Christ, & saint Nar-
 cise prescha dans ceste ville, & gagna tant
 d'ames à Nostre Redempteur, que ceux d'Auf-
 bourg le tiennent pour leur maistre & Apostre.

Hh ij